

Per trutgs e pitgognas

Proposta dad Ursina Ganzoni

Scuol, posta (1220 msm) - Scuol Sot - Pradella - Sur En - San Niclà (1076 msm)

Tura da 3-4 uras, ca. 130 m aval

A partir da la piazza da posta Scuol ins tscherna la via da cumin che passa tras Scuol Sot, visitond las duas plazzas cun bigls che spondan aua minerala. Alura ins traversa l'En tar la punt da Lischana, inscuntrond anc ina funtauna speziala d'aua amara. Per rinforzar ils muscels e la memoria ins po empruvar in sierv da quella. La tura maina tras Pradella, passond sper l'implant d'OEE, suenter a Sur En ed enfin a San Niclà.

Spezial: Las auas mineralas, mintgina d'in'otra cumposiziun da minerals e gust. Scuol Sot, Pradella e San Niclà sa mussa cun bellas chasas Engiadinaisas, per il pli restauradas e tgiradas. In implant d'OEE, davos Pradella, ins inscuntra er betg mintga di. Quel è ina part impurtanta dal "motor" da l'Engiadina.

Davos sur En ins po s'allegrar vi da bleras sculpturas da lain u da marmel ch'èn installadas sper la senda. Il rest da la senda (restond adina sin la vart dretga da l'En) è plitost nunenconuschent, per part amiaivel e tocs in pau pli selvadi: Tut en tut: ina bella tura da riva.